



KLUB OLDTIMER „CLASSIC“, TRAVNIK

Adresa: ŠAĆIRA BEKTIĆA BB, 72270 TRAVNIK, www.oldtimer-classic-travnik.com

email:oldtimer.extra@gmail.com, Identifikacijski broj: 4236497640006

ProCredit Bank BiH Transakcijski račun broj: 194-111-21616011-50

Na osnovu Zakona o izmjenama i dopunama zakona o osnovama bezbjednosti saobraćaja na putevima u Bosni i Hercegovini (Službeni glasnik BiH 48/10 od 14.06.2010. godine), te Odluke Ministarstva komunikacija i prometa u BiH o izmjenama i dopunama Odluke o najnižim tehničkim zahtjevima za novoproduzvana i korištena vozila pri homologaciji tipa vozila i homologaciji pojedinačnog vozila (Službeni glasnik BiH, 9/12 od 06.02.2012. godine) i Pravilnika o klasifikaciji, ocjenjivanju, kategorizaciji, bodovanju, evidentiranju, izdavanju identifikacionog kartona za vozila muzejske vrijednosti-oldtimere, na sjednici Skupštine kluba oldtimer „CLASSIC“, Travnik (u daljnjem tekstu **Klub „Classic“**), održanoj dana 26.01.2013. godine, donosi slijedeći

PRAVILNIK

o radu Komisije za kategorizaciju, ocjenu, klasifikaciju i bodovanje vozila muzejske vrijednosti – oldtimera

I. Opće odredbe

Član 1.

(1) Ovim Pravilnikom uređuje se postupak vrijednovanja i razvrstavanja vozila u kategoriju oldtimer, u skladu sa Odlukom Ministarstva komunikacija i prometa u BiH o izmjenama i dopunama Odluke o najnižim tehničkim zahtjevima za novoproduzvana i korištena vozila pri homologaciji tipa vozila i homologaciji pojedinačnog vozila (službeni glasnik 9/12 od 06.02.2012.godine) i Pravilnika o klasifikaciji, ocjenjivanju, kategorizaciji, bodovanju, evidentiranju, izdavanju knjižice za vozila muzejske vrijednosti-oldtimera.

(2) Vrijednovanje oldtimer vozila obuhvaća pregled vozila i dokumentacije, utvrđivanje izvornosti, ocjenjivanje, bodovanje i kategorizaciju vozila, njegovih dijelova i sklopova.

Član 2.

Svrha ovog Pravilnika je i uputstvo za rad Komisije za razvrstavanje u kategorije oldtimer vozila prema kriterijima i mjerilima Međunarodne Federacije oldtimer vozila Federation International des Vehicules Anciens, (dalje: *FIVA*), i u skladu s propisima u Bosni i Hercegovini.

Član 3.

(1) Oldtimer vozilo je motorno vozilo proizvedeno prije trideset i više godina, koje je radi njegovanja istorijskih naslijeđa i tehničke kulture sačuvano ili ponovo sastavljeno u izvornom obliku i koje se ne koristi u svakodnevno, a koje je po ovom Pravilniku razvrstano u kategoriju vozila muzejske vrijednosti - oldtimer.

(2) U smislu ovog Pravilnika oldtimer vozila jesu; automobil, autobus, kamion, traktor, motocikl i motocikl s prikolicom.

II. Vrijednovanje i razvrstavanje vozila

Član 4.

(1) Poslove vrijednovanja vozila obavljaju članovi komisije koje ovlasti Upravni odbor Kluba „CLASSIC“, a koji to ovlaštenje dokazuju licencom izdanom od strane Kluba „CLASSIC“.

(2) Razvrstavanje oldtimer vozila u kategoriju provodi *Komisija za vrednovanje vozila i tehnike* (dalje: **Komisija**) koja se sastoji od tri člana; Predsjednik komisije za vrednovanje vozila, te još dva člana Komisije.

(3) Komisija iz stava (1) ovog člana može radi utvrđivanja izvornosti, ocjenjivanja, bodovanja i kategorizacije vozila, uvažiti mišljenja domaćih i međunarodnih (FIVA) stručnih osoba i organizacija.

Član 5.

(1) Klub „CLASSIC“ provodi postupak vrijednovanja i razvrstavanja vozila na zahtjev njegovog vlasnika, odnosno na zahtjev drugog oldtimer kluba čiji je vlasnik vozila koji je uz urednu legitimaciju član.

(2) Zahtjev iz stava 1. ovog člana postavlja se podnošenjem „*Prijave za vrijednovanje i razvrstavanje vozila u kategoriju oldtimer*“. Obrazac prijave **prilog 1.** ovog Pravilnika i njegov sastavni dio.

Član 6.

(1) Komisija će provesti postupak vrijednovanja i razvrstavanja uz uvjete:

- da podnosilac zahtjeva uz prijavu iz član 5. stava 2. ovog Pravilnika, dokaže vlasništvo vozila za čije se vrijednovanje i razvrstavanje zahtjeva,
- da podnosilac zahtjeva plati naknadu prema utvrđenom cijenovniku kojeg Upravni odbor Kluba „CLASSIC“ izdaje za vrstu vozila čije se vrijednovanje i razvrstavanje zahtjeva u tekućoj godini,
- da podnosilac zahtjeva raspolaže tehničkom dokumentacijom vozila kojom dokazuje istinitost podataka, datih na Prijavi za vrijednovanje i razvrstavanje vozila u kategoriju oldtimer.

(2) Nakon ispunjenja uslova iz stava 1. ovog člana, Klub „CLASSIC“ će pozvati podnosioca zahtjeva da pristupi neposrednom pregledu vozila, njegovih dijelova i sklopova radi vrijednovanja vozila.

(3) Prije pregleda vozilo mora biti iznutra, izvana i u motornom prostoru, očišćeno i oprano.

Član 7.

(1) Komisija koja neposredno pregledava i vrijednuje vozilo, dužna je nakon obavljenog pregleda dostaviti Upravnom odboru Kluba „CLASSIC“, dokumentaciju izvršenog vrijednovanja.

(2) Predsjednik Kluba „CLASSIC“ je dužan u roku od 15 dana od dana izvršenog pregleda vlasniku vozila izdati identifikacionu ispravu o razvrstavanju vozila u jednu od kategorija oldtimer iz član 9. ovog Pravilnika, ili rješenje da vozilo ne ispunjava uslove za razvrstavanje u kategoriju oldtimer.

(3) Vlasnik vozila kojem je izdano rješenje da vozilo ne ispunjava uslove za razvrstavanje vozila u kategoriju oldtimer, može u roku 8 dana od dana uručivanja rješenja, izjaviti prigovor Upravnom odboru Kluba „CLASSIC“, koji razmatra ponovno vrijednovanje.

(4) O prigovoru odlučuje Upravni odbor Kluba „CLASSIC“ koji je dužan najkasnije u roku 8 dana odlučiti o istom. Ukoliko ocjeni da je prigovor osnovan, pristupiti će se ponovnom vrijednovanju vozila.

Član 8.

Potvrda o razvrstavanju vozila u jednu od kategorija oldtimer i rješenje doneseno nakon ponovnog postupka vrijednovanja po prigovoru podnosioca zahtjeva, je konačno.

Član 9.

(1) Vrijednovanje i razvrstavanje vozila u kategoriju oldtimer, provodi se prema starosti, tehničkim karakteristikama i sačuvanosti vozila u skladu s Pravilnika o klasifikaciji, ocjenjivanju, kategorizaciji, bodovanju, evidentiranju, izdavanju knjižice za vozila muzejske vrijednosti-oldtimera i ovim Pravilnikom.

III. Evidencije

Član 10.

Evidentiranje oldtimer vozila vršit će se u skladu sa Pravilnikom o klasifikaciji, ocjenjivanju, kategorizaciji, bodovanju, evidentiranju, izdavanju identifikacionog kartona za vozila muzejske vrijednosti-oldtimera Kluba „Classic“.

IV. Isprave

Član 13.

(1) Klub „CLASIC“ izdaje vlasniku vozila Identifikacijsku ispravu u obliku kartice, u skladu s Pravilnikom o klasifikaciji, ocjenjivanju, kategorizaciji, bodovanju evidentiranju, izdavanja identifikacionog kartona za vozila muzejske vrijednosti-oldtimere.

(2) Klub „CLASSIC“ izdaje vlasniku vozila Potvrda koja je u **prilogu 2** ovog akta, u pisanom obliku koju vlasnik predaje u postupku tehničkog pregleda i registracije oldtimer vozila.

(3) Isprave iz stava 1. i 2. ovog članka, Klub „CLASSIC“ će izdati vlasniku vozila koje u postupku vrijednovanja ostvari broj bodova veći od 25.

(4) Klub „CLASSIC“ će izdati vlasniku vozila rješenje kad vozilo ne ispunjava uvjete za razvrstavanje u kategoriju „oldtimer“.

(5) Klub „CLASSIC“ ima pravo oduzeti Identifikacijsku ispravu iz stava 1. ovog člana ili staviti van snage ispravu iz stava 2. ovog člana u slučajevima propisanim Statutom Kluba „CLASSIC“ i Pravilnikom o klasifikaciji, ocjenjivanju, kategorizaciji, bodovanju evidentiranju, izdavanja Identifikacionog kartona za vozila muzejske vrijednosti-oldtimera.

Član 14.

(1) Neposredno vrijednovanje vozila obavlja komisija koju ovlasti Upravni odbor Kluba „CLASSIC“ i koji to ovlaštenje dokazuju licencom izdanom od Kluba „CLASSIC“.

(2) Licenca iz stava 1. ovog člana izdaje se Komisiji koje imenuje Skupština Kluba „CLASSIC“ na prijedlog Upravnog odbor Kluba „CLASSIC“.

(3) Klub „CLASSIC“ izdaje licencu članu Komisije za vrijednovanje vozila koja je u **prilogu 3** i sastavni je dio ovog pravilnka.

(4) Rad komisije za neposredno vrijednovanje vozila nadzire Upravni odbor Kluba „CLASSIC“ koji im u slučajevima propisanim Opštim aktima Kluba „CLASSIC“ može oduzeti licencu prije isteka njihove važnosti.

(5) Licenca Komisije za vrednovanje vozila važi jednu godinu i obnavlja se svake godine, a u slučaju neproduženja, njen nositelj dužan ju je vratiti Klubu „CLASSIC“.

V. Završne odredbe

Član 15.

Sve troškove postupka vrijednovanja i razvrstavanja oldtimer vozila snosi vlasnik vozila u skladu sa važećim cjenovnikom, kojeg utvrđuje Upravni odbor Kluba „CLASSIC“ za tekuću godinu.

Član 16.

Autentično tumačenje ovog Pravilnika daje Upravni odbor Kluba „CLASSIC“.

Član 17.

Ovaj Pravilnik stupa na snagu danom donošenja.

M.P.

Predsjednik Kluba
Bešo Anis s.r.
